

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

III. An & qua ratione fides certitudine tum scientias naturales tum alias  
virtutes & habitus intellectuales superet.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

cæteri habitus virtutum moralium infusarum: quia verius est, nec actus quidem earum elici sine charitate, vel dispositione ad illam: præterquam quod aliunde constat, virtutes morales infusas à charitate nunquam separari, ut alibi dictum tom. 2. disp. 3. q. 5. dub. 2.

43

**ASSERTIO IX.** Fides tamen charitatis accessio ne extrinsece perficitur; ita ut proinde charitas sit quasi forma quædam fidei. Ita ex communione Sanctus Thomas hic quæst. 4. art. 3. vbi absolute afferit, charitatem dici formam fidei. Quod tamen ipsemet satis explicat, non ita accipendum, quasi charitas sit proprie dicta & intrinseca quædam fidei forma, seu essentialis, ut est anima respectu corporis; seu accidentalis, ut est albedo respectu parietis: sed quia sane aliquo modo, instar formæ, perficit & exornat actum fidei; tum conferendo illi nouam speciem accidentalem, eo modo, quo finis extrinsecus actuicōfert nouam speciem, ex doctrina eiusdem 1. 2. q. 18. a. 7. tum conferendo illi nouam vim & dignitatem moralem, hoc est, rationē meriti, cum alioqui actus fidei sine charitate meritorius non sit, iuxta dicta tom. 2. disp. 6. q. 6. dub. 2. & 4. Atque eodem modo charitas etiam aliarum virtutum forma dicitur infra q. 23. a. 8.

Et ex dictis vtraque hac, & 7. assertione, sumitur illa distinctio fidei informis, & formatæ; itemq; mortuæ & viva; quæ eundem fidei habitum, sed iuxta diuersum statum significant ut dictum.

44

**ASSERTIO X.** Fides inter omnes virtutes supernaturales ordine naturæ est prima. Ita S. Thomas hic q. 4. a. 7. & Caetanus ibidem, ex communione. Probatur tum ex illo Hebr. 11. v. 1. vbi propterea fides dicitur substantia seu fundamentum rerum sperandarum. Tum quia virtutes Theologicæ, cum circa ipsum finem versentur, natura priores sunt moralibus infusis; & in Theologicis illa cæteris natura prior est, quæ cum in intellectu sit, suum reliquum obiectum ostendit ac proponit. Alius est ordo dignitatis, & temporis. Sicut enim sære, saltem infantibus, simul infunduntur, iuxta Concilium Trident. sess. 6. cap. 7. ita sine controversia charitas præcellit fidei, iuxta Apostolum 1. Corinth. 13. v. 3. De qua re plura diximus tomo 2. disputat. 3. quæst. 5. dub. 2. & 3. cum Sancto Thoma 1. 2. quæst. 62. artic. 4.

### D V B I V M III.

*An, & quæ ratione fides certitudine tum scientias naturales, tum alias virtutes & habitus intellectuales superet.*

S. Thoma 2. 2. q. 4. a. 8.

**S**pectat hoc dubium ad unum quoddam cæteris illustrius fidei attributum, eius nempe certitudinem cognoscendam.

Respondet vero S. Thomas cit. a. 8. fidem simpliciter, & ex parte causæ, seu rationis formalis,

qua ntitur, esse certiorem scientia, & omnibus habitibus naturalibus intellectus; secundū quid autem, & ex parte subiecti, siue quoad nos, minus certam.

Verum ut res hæc tota, qua de varie loquuntur Theologi, recte intelligatur, supponendum est ex communione doctrina Philosophorum, & Theologorum, quam etiam supponit S. Thomas ibidem, certitudinem actus vel habitus duplarem esse, vnam obiectuam, seu ut vocant, obiecti, seu quod idem est, ex parte obiecti; sic dictam, non quod in obiecto dumtaxat, nō autem in ipso subiecto, seu intellectu, actuue illius in isto, ut male Durand⁹ infra citandus S. Thomam interpretatus censuit; sed quia actui cum obiecto quodam modo communis est, & primario seu originaliter ex ipso obiecto prouenit, ac re ipsa nihil aliud est, quā infallibilis veritas: vnde etiam dici potest & solet certitudo infallibilitatis, vnde cunq; tandem ipsa oriatur.

Altera certitudo vocari solet subiectuam, sive subiecti, aut ex parte subiecti, que videlicet subiecto ipsisq; assensu propriæ est, nec communis obiecto, etiam si interim fortasse oratur etiam ex conditione obiecti: quo modo iuxta communem & receptum nunc inter Philosophos & Theologos loquendi modum, nihil est aliud, quam firma & constantia adhæsio intellectus, exclusiens omnem dubitationem, saltem deliberatam. Vnde etiam à Bonaventura, Durando, Alberto, & alijs in 3. dist. 23. vocatur certitudo adhesionis: que quidem si obiecto commensurata sit, censenda est vera certitudo, ut docet S. Thomas in 3. dist. 23. q. 2. a. 2. & dist. 26. q. 2. a. 4. Sin autem præter dignitatem obiecti, temere concepta sit, tunc potius dicenda est pertinacia, ex cæcitate, aut duritia cordis ora, vel ut loquitur Concilium Tridentinum sess. 6. cap. 9. *Vana & temeraria fiducia, seu credulitas.* Oritur quidem ea potissimum ex penetratione, seu evidentiâ obiecti, iuxta S. Thomam hic cit. a. 8. sed non solum, ut sequentibus assertiōnibus declaramus.

**ASSERTIO I.** Tam actus, quam habitus fidei, certitudine quidem infallibilitatis, seu ex parte obiecti, superat omnes omnino actus & habitus naturales, quātumvis certos & evidētes. Ita S. Thomas hic q. 4. a. 8. Caetan⁹, Bañes, Arragonius ibidē, Gregorius de Valentia q. 4. pun. 8. ex communione Doctorū in 3. dist. 23. contra Abailardū, asserente fidei assensionem esse incertā opinionē; quē luculenter refutat S. Bernardus epist. 190. & partim etiam contra Scotum in 3. dist. 23. q. vn. vbi significat, fidem infusam, non magis quam acquifitam, per se ac ex natura habitus inclinare in verum tantum; cum, ut ait, decipi & non decipi, non sit à parte habitus, nec à parte assensus, quem facit, sed à parte obiecti, secundum quod obiectum vere seu false presentatur habitui.

Quæ doctrina satis refellitur tum ex dictis q. 1. dub. 5. vbi ex instituto probauimus, fidei nō posse subesse falsum; tum ex communione & recepta doctrina Aristotelis 6. Ethic. 3. vbi docet, virtutibus intellectualibus, qualem etiam esse fidem diuinā dictum est dubio præced. semper verum dici, ita ut ex natura sua circa vera tantum obiecta-

versen-

versentur, adeoque ut ad assensum veri tantum obiecti, nō falsi inclinent: quod etiam ex instituto docuimus tom. 2. disp. 3. q. 2. dub. 2. Secus est de opinione, aut fide humana, quæ non sunt virtutes, ut ibidem diximus, & recte notauit Caïetanus q. 4. a. 5.

<sup>49</sup> Ratio assertionis est. Quia omnis infallibilitas actuum & habituum naturalium nititur ratione & lumine naturali: fidei autem infallibilitas nititur auctoritate diuina; idque dupliciter, quantum videlicet & ex parte obiecti nititur diuina reuelatione, & ex parte subiecti lumine supernaturali fidei diuinis indito; ex quo veroque capite accedit, ut habuit vel assensu fidei falli nullo modo possumus, ut fuisse dictum q. 1. dub. 5.

Neq; dicas, etiam fidei assensum nisi illo principio naturaliter no. o. Quodlibet est aut non est; Item, de quolibet verum est affirmare aut negare. Fides enim nullo eiusmodi principio naturali per se nititur, ut dictum est q. 1. du. 3. & q. 5. dub. vlt. Quamvis interim, prout hoc principiu in ipsis etiam fidei veritatis includitur, fide quoque credatur. Eadem enim fide, qua creditur Deum esse, etiam negamus, Deum non esse.

<sup>50</sup> ASSERTIO II Certitudine adhesionis seu ex parte subiecti fides quidem secundum quid inferior est habitibus & actibus naturalibus evidenter, puta scientia, sapientia, intellectus; non tamen simpliciter. Priman partem tradit S. Thomas hic q. 4. a. 8. ex communi: idemque volunt Albertus in 3. dist. 23. a. 17. & Bonaventura eadem dist. a. 1. q. 4. quando dicunt, fidem certitudine speculationis seu cognitionis vinci ab eiusmodi actibus. In quem fere sensum etiam Hugo Victoriusl. 1. de Sacramentis part. 10. c. 1. ait, fidem esse certitudinem animi de rebus absentibus, supra opinionem, & infra scientiam constitutam.

Ratio est; quia eiusmodi assensus naturalium habituum, hoc ipso quod evidens est, aliqua ratione immobiliar & firmior est; siquidem stante apprehensione terminorum vel principiorum, nulla ratione abici vel in dubium vocari potest; cum tamen fides simpliciter abici possit, etiam stante motu rationis apprehensione, ob inevidentiam.

<sup>51</sup> Secundam assertio partem tradunt Albertus & Bonaventura locis citat. & consentit Gregorius de Valentia q. 4. pun. 8. & indicat S. Thomas art. 8. ad 2. cum ait; hominem per fidem multo certiore reddi de eo, quod audit a Deo, quam de eo, quod videt propria ratione per alios habitus. Ratio est: quia ut recte Bonaventura loc. citat, notat, vera fides magis (aliqua ratione) facit adhesionem ipsius credentem veritati credita, quam aliqua scientia alicui rei scita.

Quod probatur primo, tum exemplo tot Martirum, qui pro fide etiam mortem oppeterunt; tum experimento omnium vere creditum, qui malleum omnem scientiam porius perdere vel negare, quam vel unum articulum fidei. Secundo iuxta rectam rationem agendo, quisque tenetur adeo firmiter fidei assentiri, ut certo & efficaciter statuere debeat, ubi opus est, potius nullies mori, & omnia naturaliter scita negare, quam uno modo fidem abicere; cum tamen ex aduerso

stultus foret, qui pro una veritate mere naturali, secundum se spectata, mori veller, iuxta Bonaventuram ibidem. Tertio. Fidei habitus, quamdiu quidem in intellectu manet, minus sinit dubitare aut dissentire, quam ulla habitus evidens naturalis, qui vnicarunt dubitatione aut dissenso quantumvis deliberato non statim totus perditur.

Oritur autem haec firmitas assensus fidei, tum ex ratione assentiendi, quæ certissima est; tum ex motione voluntatis, accedente lumine fidei. Vnde rursus sumitur alia ratio; quia lumen supernaturale fidei, quanto natura sua excellentius est, tanto etiam efficacius est ad intellectum, persuadendum. De qua redictum etiam nonnulli hil supra quæst. 2. dub. 1.

<sup>52</sup> ASSERTIO III. Assensus fidei, etiam ut in nobis est, simpliciter & absolute certior est quibusvis actibus naturaliter certis vel evidenter. Ita S. Thomas hic q. 4. art. 8. vbi ait: Multo magis homo sit certior de eo quod audit a Deo, qui falli non potest, quam de eo, quod videt propria ratione, que falli potest. Idem docent Caïetanus, Bannes, Arragonius ibidem, Albertus, Bonaventura, Richardus, Gabriel cit. dist. 23. & omnes Theologi, excepto Durando eadem dist. q. 7. qui temere & periculose ausus est dicere, quasdam naturales scientias simpliciter certiores esse fidei actu, vel habitu.

Probatur assertio primo ex scriptura 1. Ioannis 5. v. 4. Hæc est victoria, quæ vincit mundum, (adeoque omnia mundana) fides nostra. Et 2. Cor. 10. v. 4. de fidei robore ac viribus dicitur: Arma militia nostræ, non carnalia sunt, sed potentia Deo, ad destructionem munitionum, consilia destrucentes, & omnem altitudinem extollentem se aduersus scientiam Dei, et in captivitatem redientes omnem intellectum, in obsequium Christi. Quibus verbis significatur, nulla scientiam adeo claram & apertam esse posse, quæ parati esse non debeamus, pro tuenda fide negare, si quo modo fidei repugnaret. Quod ex parte re ipsa etiam nunc accedit. Suntem quædam principia, quæ etiam in sensu falso, fideique repugnant, à Philosophis olim existimabantur evidentia, & tamen iam à nobis, cum ea quidem vniuersalitate, rectissime negantur, ut accedit in mysterio Trinitatis, circa illud, Quæ sunt eadem vni tertio sunt eadem inter se.

<sup>53</sup> Secundo idem assertunt SS. Patres. Basilius in psalmum 115. Fides supra rationales methodos ad assensum trahens. Chrysostomus homil. 31. in epist. ad Heb. Nec fides, inquit, duci potest, nisi circa ea, quæ non videntur, amplius quam circa ea quæ videntur, satisfactionem quisque habuerit. Augustinus lib. 7. confession. cap. 10. Facilius dubitarem vine. re me, quam non esse veritatem (etiam supernaturaliter inspiratam) quæ per ea, quæ facta sunt intellecta conficitur. Et Richardus de Sancto Victore lib. 1. de Trinitate cap. 2. Quosquot veraciter fideles sumus, nihil certius tenemus, quam quod fide credimus.

Tertio accedit ratio. Quia certitudine obiecti seu infallibilitatis simpliciter certior est fides omni scientia seu cognitione naturali, ex dictis

**assert.** 1. Certitudine autem subiecti seu adhæsionis, quæ certitudine obiecti inferior est, & per se sola nec digna quidem certitudinis nomine, est quidem inferior secundum quid, sed non simpliciter, ex assert. 2.

**ASSERTIO IV.** Fides quidem ratione manifestationis seu claritatis cedit supernaturalibus actibus intellectus & scientiae, prout sunt dona Spiritus Sancti; attamen ratione certitudinis quoad nos, adeoque ratione adhæsionis ex ipsa notitia infallibilitatis, seu non errandi securitate ortæ, ijsdem antecedit. Ita Sanctus Thomas cit. articulo 8. ad 3. vbi ait: *Perfectio intellectus & scientiae* (etiam inquantum sunt dona Spiritus Sancti) *excedit cognitionem fidei, quantum ad maiorem manifestationem, non tamen quantum ad certiorum habitationem.*

Et mox rationem adiungit; quia eiusmodi certitudo donorum, non quidem secundum se (cum hac immediate etiam nitantur auctoritate Dei testantis, & quidem aliquo clariori modo, quam per fidem) sed quoad nos aliquo modo nititur, fide, tanquam principio: Ergo sicut certitudo principiorum superat certitudinem conclusio- nis, ita supradicta certitudo fidei superat certitudinem donorum. Antecedens probatur; quia omnes eiusmodi extraordinariae revelationes seu illuminationes Spiritus Sancti ad fidei regulam examinantur, iuxta illud *Probare spiritum, si ex Deo sunt.* 1. Ioannis 4. vers. 1. Et facile fieri potest, vt quod nobis quidem manifestius est, minus tamen sit certum, ex dictis.

**ASSERTIO V.** Certitudo visionis beatificæ, vti etiam scientiae per se infusa, simpliciter maior est certitudine fidei. Hæc assertio est extracontroversiam. Ratio est. Quia utraque hæc notitia certitudine quidem obiecti par est, aut forte etiam maior quodammodo ipsa fide; cum sicut ista nititur diuina veritate in dicendo, sic visio beatifica nitatur diuina veritate in essendo. Certitudine autem subiecti, cum utraque illa scientia supernaturalis sit, & euidens, fidem simpliciter superat. Neque dicas, certitudinem vnam maiorem esse non posse altera. Non enim immixta priuatione, sed in positiva quadam actus perfectione consistit, etsi per priuationem explicetur, certitudo quidem obiecti per negationem falsitatis, subiecti autem per negationem formidinis.

**ASSERTIO VI.** Nunquam proinde absolute dicendum est, hæreticum certius, aut etiam aque certo adhædere suis erroribus, ac Catholicæ adhærent per fidem vera & Catholicæ fidei veritatibus, etiam addendo limitationem, certitudine subiecti. Ita recte docet Bannes hic q. 4. a. 8. & colligitur ex dictis; etsi non pauci aliter sint loqui; in quibus Sotus lib. 3. de nat. & gratia cap. 10. ait, *hereticos omnes suorum errorum, quos catholicæ existimant veritates, tantam habere certitudinem* (ex parte subiecti) *quam nos articulorum fidei.* Et ibidem dicit, *hoc non esse dubium, sed de hot dubitare, esse puerilem errorum.*

Similiter Molina 1. part. q. 1. a. 5. docet, eiusmodi certitudine, quæ se tenet ex parte subiecti,

posse hæreticum adhædere interdu certius, id est firmius, errori, quam Catholicus adhæreat veritati; & posterum quemvis posse firmius adhædere rei in se dubie, quam cordatus & prudens rei certe. Quin etiam ipse Bannes 1. part. q. 1. a. 5. ait; *hoc pacto aliquis hereticos firmius adhædere suis erroribus, quam alij sui veritatis.* Eodem modo loquuntur Medina 1. 2 q. 109. a. 2. dub. vlt. & Vega lib. 16. in Tridentinum cap. 13.

Sed ut dixi, absolute italoquendū non est. Quia sola adhæsio intellectus, quantumvis firma, sine respectu ad obiectum debito modo proportionatum, non est proprie certitudo, nec digna nomine certitudinis, etiam addendo ex parte subiecti, sed potius pertinacia seu vana credulitas, vt initio ex S. Thoma & Concilio Tridentino notauimus: Ergo cum alioqui modus ille loquendi non admodum bene sonet, nec modo loquendi veterum Doctorum satis sit consentaneus, ab eo abstinentur est; cum interim res ipsa alijs verbis multo commodius explicari possit, dicendo nimurum, quantâ constantia & certitudine per fidem Catholicus veritati adhæret, tantâ obſtinatione & pertinacia hæreticos adhædere posse & folere falsitati. Plura de hac re in simili diximus tom. 1. disp. 1. quæst. 4. dub. 4. vbi de Theologiaz certitudine certitudini fidei subordinata, egimus.

#### D V B I V M . I V .

*De subiecto remoto fidei; specia-  
tim an in primo statu innocen-  
tia, tum Angeli, tum homines;  
an etiam Christus, Prophetæ,  
Apostoli, & ceteri iusti fidem,  
& quidem aqualem habuerint;  
itemq; an siue in Beatis, siue in  
demonibus, aut hæreticis, nunc  
re ipsa fides existat.*

S. Thomas 2. 2. q. 5. 22. 4.

T Ametsi quidem hæc dubitatio, vti etiam præcedens, communis fere sit ipsis etiam fidei actibus, præcipue tamen ad habitum fidei pertinet; ad quam iuxta varietatem quæsitorum in dubitatione præpositorum, sequentibus afferationibus respondemus; agendo 1. de Angelis & hominibus in statu primæ cōditionis. 2. de Christo & Beatis. 3. de dæmonibus ac damnatis. 4. de viatoribus ac iustis. 5. de hæreticis, seu errantibus in fide. 6. de æqualitate vel inæqualitate fidei, in eodem vel diuersis subiectis.

**ASSERTIO I.** Tam Angelus, quam homo, in prima sui conditione habuerunt fidem. Ita S. Thomas cit. q. 5. a. 1. Cajetanus, Bannes, Arragonius ibidem, Gregorius de Valentia q. 5. pun. 1. itemq; Carthusianus, alijq; Scholastici cōmuni- ter in 3. distinct. 2. 3. Zumel 1. par. q. 62. art. 3. &

Valquez